

*fidentia. E. licet sanctos mortuos invocare sine injuriâ Christi & absq; diffidentia.*

Hunc Soriten Bceanus per aliquot paginas profert. Sed multa huic argumento insunt vitia, sicuti B. Meyfartus in *Nodo Gordio lib. 1. c. 41. pag. 136.* demonstrat, & ita refutat:

1. *Primò* falsum est, omnes sanctos, quos Pontificii pro talibus habent, esse in coelo. Quidam enim sunt in inferno. Quidam nunquam fuerunt in rerum naturâ.

2. *Deinde* falsum est, Sanctos, si sunt in statu beatitudinis, scire quæ apud nos geruntur, quum ea notitia in beatos mortuos non cadat, *Esa. 64. v. 16. Abraham nescit nos, & Israel ignorat nos.*

3. *Tertiò* falsum est, sanctos, si sciant quæ apud nos gerantur, intercedere pro nobis. Non possunt demonstrare Pontificii, sanctos de mortuos *in specie* audire & intelligere preces ac gemitus piorum; ac proinde in specie pro hoc & illo & isto intercedere: *In genere* Sanctos pro Ecclesiâ orare, non negaverimus.

4. *Quar-*